



## **Publikashon emishon di konseshon móbil**

Na nòmber di minister di Tráfiko, Transporte i Planifikashon Urbano (lesa: minister) ta anunsiá e posibilidat pa por hasi petishon pa un konseshon pa konstrukshon, mantenshon i eksplotashon di un infrastruktura di telekomunikashon móbil (lesa: konseshon móbil) inklusive e prosedura di maneho rekerí.

Dia 1 di aprel 2021 e moratorio riba e emishon pa un konseshon móbil a vense i petishonnan pa operá un konseshon móbil por wòrdu konsiderá di nobo. Entre otro tumando na kuenta ku e frekuensha disponibel pa por brinda un servisio móbil optimal konforme e último téknologianan i standart, a disidí pa provishonalmente emití solamente un konseshon móbil. Den e kaso akí ta importante ku emishon di e konseshon aki resultá den e kontribushon di mas optimal na e desaroyo di merkado riba tereno di telekomunikashon móbil, kaminda alabes inovashon i konekshon na e último téknologianan ta wòrdu stimulá. A disidí pa organisá un prosedura di selekshon for di kua lo por selektá e mihó kandidato ku posiblemente por bini na remarke pa risibí e konseshon móbil. E prosedura di selekshon ta enserá un evaluashon di e dekretonan atministrativo general, e plan di negoshi i e plan tékniko.

Huntu ku e petishon pa un konseshon móbil e solisitante mester entregá informashon spesífiko. Den e formulario di petishon destiná pa e fin ei, ta mensioná e informashonnan relevante. Ademas tin un dokumentu *'Richtlijnen en voorwaarden voor de aanvraag en evaluatie voor een concessie mobiele telecommunicatie 2021'* disponibel. Por haña tantu e formulario di petishon komo e kondishonnan por eskrito i e nota di akklarashon riba e wèpsait di Bureau Telecommunicatie en Post ([www.btnp.org](http://www.btnp.org)) òf por manda esaki digital riba petishon.

Por hasi eventual preguntanan tokante di e formulario di petishon i dokumentunan ku mester entregá via di e adres elektróniko [rvr@burtel.cw](mailto:rvr@burtel.cw). E kontestanan ku BT&P ta duna riba e preguntanan di e interesadonan lo wòrdu publiká riba e wèpsait, esaki den kuadro di transparensa.

E formulario di petishon, inklusive tur informashon- i datonan nesesario mester wòrdu entregá pa mas tardá **30 dezèmber 2021 pa 17:00'or** di atardi. E mester wòrdu yená i entregá korekto i kompletu riba un “memory stick (USB)” den un ènvelòp será na resepsion di Bureau Telecommunicatie en Post (suheto na e dokumentunan original ku mester wòrdu entregá den kopia físiko “hard copy”) ku mension di nòmber di solisitante i “mobiele concessie”

De Directeur van het Bureau Telecommunicatie en Post  
De heer F.A. Sluis  
Beatrixlaan 9  
ALHIER